

元始上真衆仙記

卷三

葛洪枕中書

洪歷觀天地之寶藏上聖之宮第至上之尊神仙圖記猶未知極妙之根以去月乙丑夜半靜齋於羅浮山忽驚風駭起香馥亂芳龍鳴虎嘯躑躅空中有頃之間紫雲覆林忽見一真人眼瞳正方項負圓光天顏絕世乘白麟之車建九旌之節腰帶瓊文鳳繡之錦旂頭戴六通之冠年可二十許侍者執夜光之火玉羽衛可有千人自號玄都太真王問曰子。是葛洪乎何為而希長存洪稽首披陳長跪執禮神告余曰子是籍九天之嘉慶乘運挺英復千年之後太清有仙伯之名今當遠變去世上宅西鄉相攜於太華之上丹官之中且還時朝以龍淵代身密乎寂往莫識今真子窮翫墳典聰秀逸羣解滯悟惑可謂妙才矣但未知真仙之宮第上聖之所由耳吾今行矣相告計共事不復為久也洪因伏叩頭於是真神即命侍者執筆摩紙口授妙言既畢左手授與洪云吾往方丈簡仙官致復

相過子島之焉吾去矣見駕乘舟而高乃失所在也

真書曰昔二儀未分溟滓鴻濛未有成形天地日月未具狀如雞子混沌玄黃已有盤古真人天地之精自號元始天王遊乎其中溟滓經四劫天形如巨蓋上無所係下無所根天地之外遼屬無端玄玄太空無響無聲元氣浩浩如水之形下無山嶽上無列星積氣堅剛大柔服結天地得其中展轉無方若無此氣天地不生天者如龍旋迴雲中復經四劫二儀始分相去三萬六千里崖石出血成水水生元蟲元蟲生瀆牽瀆牽生剛須剛須生龍元始天王在天中心之上名曰玉京山中宮殿並金玉飾之常仰吸天氣俯飲地泉復經二劫忽生太元玉女在石澗積血之中出而能言人形具足天姿絕妙常遊厚地之間仰吸天元號曰太元聖母元始君下遊見之乃與通氣結精招還上官當此之時二氣網縕覆戴氣息陰陽調和無熱無寒天得一以清地得一以寧並不復呼吸宣氣合會

相成自然飽滿大道之興莫過於此結積堅固是以不朽金玉珠者天地之精也服之與天地相畢元始君經一劫乃一施太元母生天皇十三頭治三萬六千歲書為扶桑大帝東王公號曰元陽父又生九光玄女號曰太真西王母是西漢夫人天皇受號十三頭後生地皇地皇十一頭地皇生人皇九頭各治三萬六千歲聖真出見受道天文無為建初混成天任於今所傳三皇天文是此所宣故能召請天上大聖及地下神靈無所不制故天真皇人三天真王駕九龍之輿是也次得八帝大庭氏庖羲神農祝融五龍氏等是其苗胤也今治五嶽是故道隆上代弊極三王三王夏禹殷湯周武也是以淳風既澆易變而禮典禮為亂首也周末陽弱而陰強國多寡婦西戎金兵起而異法興焉既而九州湮沒帝業荒蕪此言驗也後來方有此事道隆之代其人混沌異法之盛人民猶偽也洪曰此事玄遠非凡學所知吾以庸才幸遭上聖賜目論天地之奧藏暢至妙之源本軌條所

誨銘之于素以為絕思矣夫無心分之人慎勿以此元始告之也故置遺跡示乎世之賢耳

真記曰玄都玉京七寶山週迴九萬里在大羅之上城上七寶宮宮內七寶臺有上中下三宮如一宮城一面二百四十門四方生八行寶林綠葉朱實五色芝英上有萬二千種芝沼中蓮花徑度十丈上宮是盤古真人元始天王太元聖母所治中宮太上真人金闕老君所治下宮九天真皇三天真王所治玉京有八十一萬天路通八十一萬山嶽洞室夫以得道大聖眾並賜其宮第居宅皆七寶宮闕或在五嶽或在名山山嶽羣真所居都有八十一萬處古今有言九九八十一是終天路玉京山也上仙受天任者一日三朝玄都太上真人也雖有億萬里往還如一步耳世人安知此哉眾仙或有日三朝扶桑公或三朝西王母玉京金闕是太上真人月三朝元始天王太上真人元始之弟子皆如帝王有司徒丞相也金闕老子太上弟子也扶桑

大帝元始陽之氣治東方故世間帝王之子應東宮也

西漢九光夫人始陰之氣治西方故曰木公金母天地之尊神元氣鍊精生育萬物調和陰陽光明日月莫不由之精神長存命則無終抱一不離故能長久天失陰陽水旱不節人失陰陽神根命竭世人不能保一守三修身及死固其宜矣可後怨耶吾復千年之間當相子登太上金闕朝宴玉京也此電頃未足為久今且可浮遊五嶽採靈芝尋隱仙之友道遠無為吾言信可望哉

扶桑大帝住在碧海之中宅地四面並方三萬里上有太真宮碧玉城萬里多生林木葉似桑又有椹樹長數千丈二十圍兩兩同根偶生更相依倚名為扶桑宮第象玉京也眾仙無量數玄洲方丈諸羣仙未昇天者在此去會稽岸六萬里太清仙伯太上丈人所治蓬萊山對東大海之東北岸山週迴五千里溟海中濤浪衝天九氣丈人所治崑崙玄圃金為墉城四方千里城上安金臺

五所玉樓十二瓊華之屋紫翠丹房七寶金玉積之連天巨獸萬尊靈香億千西王母九光所治羣仙無量也

廣成丈人今為鍾山真人九天仙王漢時四皓仙人安期彭祖今並在此輔焉

務成子力墨子為岷山真人今玄子王子為岷山侯

太昊氏為青帝治岱宗山顓頊氏為黑帝治太恒山祝融氏為赤帝治衡霍山軒轅氏為黃帝治嵩高山金天氏為白帝治華陰山

右五氏為五帝

堯治熊耳山舜治積石山禹治蓋竹山湯治玄極山青鳥治長山及為修山長

右五人為五帝佐相領五帝事五帝一劫遷佐者代焉

許由巢父今為九天侍中箕山公夏啓周發受書為四極明公或住羅鄩或在洞天三周大者為降陵真人二人並在金華山漢高祖光武並為四明賓友周靈王今為太虛侍郎治波龍山樂子長闔家得仙未昇天任並住

方丈之室神洲受太玄生籙五芝為糧也郭景純為都錄司命治虛臺也左元放今為天柱真人監仙侯葛玄受金闕君命為太極左仙公治蓋竹山又在女兒山常駕乘虎騎也許映始為霍林仙人許穆在華陽洞天立宅為真人許玉斧在童初之北位為真人未有掌領鮑靚為地下主者帶潛山真人復五百年當為崑崙侍郎鄭思遠住南霍常乘虎豹白鹿未有職事蔡鬱壘為東方鬼帝治挑丘山張衡楊雲為北方鬼帝治羅鄧山杜子仁為南方鬼帝治羅浮山領羗蠻鬼周乞嵇康為中央鬼帝治抱犢山趙文和王真人為西方鬼帝治嶓冢山

吳越及梁益風氣清貞故多仙人是以成都之境丹陽之域會稽之東南天路所衝善宜修尚也凡此衆仙及命過受書者巨衆不可具記在小嶽之中者亦略舉之也

鬼谷先生為太玄師治青城山王子喬為金闕侍中治桐栢山赤松為崑崙林仙伯治南嶽山王子登為小有天王治王屋山孤竹伯夷叔齊等並為九天僕射治天台山孔丘為大極上真公治九嶷山顏回受書初為明泉侍郎後為二天司真七十二人受名玄洲門徒三千不經北嶽之門項儀山為蓬萊司馬周公旦為北帝師治勁華山莊周為太玄博士治在荆山孫權受任治亦在荆山張道陵為三天法師統御六虛數侍金闕太上之股肱治在廬山三師同宅王方平今為上相治月支國人鳥山墨翟為太極仙師治馬跡山徐來勒為太極真人治括蒼山小宮在天台山陳安世治小台山嚴君平今治在峨嵋山屈原為海伯統領八海王弼為北海監耶聲子為閻風真人魏夫人治南嶽山裴清靈治四

明山馬明生今在鍾山陰長生為地肺真人孫登為閻丘真人九華真妃治夏蓋山或在龍山王長趙昇二人受書為廬山中正一三天都護韓衆今為霍林真人琅琊子吉為太虛左掾侍史

三茅為保命定錄司非監在華陽洞府治北居樓憩包山有數千小山亦不減百皆是神山今略證仙人之數足以令子心堅仰慕矣秘之勿宣若高賢心馳嶺分子去世之際可緘以示之苟行業不建德務不仁者終天無令見也凡青嶂之裏千嶺之際仙人無量與世人比肩而不知凡人有因緣者或在深山迷誤入仙家使為仙洞玉女所留請先功厚也初學道不必入山閉門勤修不雜人物長齋執志或清香灑掃亦能降真矣魏夫人許氏之徒皆其流也要當摺拾方術真書良久傳影響粗應便當絕迹耳若出入人間整捨山谷事緣水服飲食不須與世交當有異矣外和光同塵內守其真一斯言之妙也

元始上真衆仙記

卷三

八

洞玄靈寶真靈位業圖序

騰四

夫仰鏡玄精觀景耀之巨細俯躬平區見巖海之崇深搜訪人網究朝班之品序研綜天經測真靈之階業但名爵隱顯學號進退四官之內疑似相參今正當比類經正讎校儀

服埒其高卑區其宮域又有指目單位上皇五帝七老如此略說姓名墨羽五卓或任同

秩異金闕四帝太極四真業均述別者網步

也如希林真人為太微右公而領九官上相

未委為北宴上清當下親相識耶諸如此例

難可必證謂其並繼其所領而從高域粗事

事條辯略宣後章輒以淺識下生輕品上聖

昇降失序梯級乖本懼貽謫玄府絡咎冥司

謹依誠陳啓仰希照亮若必不宜然願垂戒

告今所詮貫者實稟注之與旨存向之要趣

祈祝跪請宜委位序之尊卑對真接異必究

所遇之輕重是以三君共辭先致學未體之

尤下班居上智有不達之蔽雖同號真人真

品乃有數俱目仙人仙亦有等級千億若不

精委條領略識宗源者猶如野夫出朝廷見

朱衣必令史句驪入中國呼一切為參軍豈解士庶之貴賤辨爵號異同乎陶弘景序

正一天師清微弟子 洪百堅 製作

道教學術資訊網站

洞玄靈寶真靈位業圖

梁貞白先生陶弘景纂

唐晉書有太師高士聖賢隱居方進校定

玉清三元官

上第一中位

上合虛皇道君應號元始天尊

左位

五靈七明混生高上道君

東明高上虛皇道君

西華高上虛皇道君

北玄高上虛皇道君

南朱高上虛皇道君

玉清上元宮四道君 各有諱字

玉清中元宮紫清六道君 各有諱字

玉清下元宮高清四元君 各有諱字

玉清中散位一十君 諱字不勝

右位

紫虛高上元皇道君

洞虛三元太明上皇道君

太素高虛上極紫皇道君